

澄城縣志卷十

封建

前明沿周封建而澄城僻近北山為分藩所未及雖舊志有秦公子食邑之文書籍闕如無得而詳考也茲僅就史冊所載或追崇所及與封號所加釐為一門其公主食邑見之唐書非封建也仍從闕焉

澄城伯壤駟赤

舊志周壤駟赤字子徒

家語作穰徒作從

秦州人

備考作

秦人孔門弟子長於詩書唐封北徵伯宋加封上邽侯

澄城郡公高顯

魏書高肇傳渤海蓀人颺子颺女為文昭皇后生世宗景

澄城縣志

卷十

封建

一

明初世宗追思舅氏封顯澄城郡公

地形志澄城郡領澄城縣屬華州

三門縣開國公楊順

魏書楊播傳播弟順以預立莊帝功封三門縣開國公食邑七百戶

地形志三門縣屬澄城郡

按即今澄城縣西北三門邨

澄城縣開國侯奚緒

魏書奚斤傳代人初封宏農郡開國侯後改為澄城縣開國侯增邑九百戶子遵襲封卒諡曰哀侯無子國除世宗繼絕世詔以緒弟子鑒特紹其後以承封邑

地形志澄城縣屬澄城郡

三門縣開國男辛子馥

魏書辛紹先傳隴西狄道人莊帝反政詔封三門縣開國男食邑二百戶

澄城伯楊穆

周書楊寬傳孝武末寬請以澄城伯讓兄穆詔許之

澄城縣子裴邃

周書裴文舉傳河東聞喜人大統三年以略地功封澄城子邑三百戶

澄城縣公裴文舉

周書本傳河東聞喜人孝閔帝踐祚襲父邃爵澄城縣子

澄城縣志

卷十

封建

一一

天和六年進爵爲公增邑通前一千戶建德二年又增邑七百戶宣政元年卒子胄嗣

隋書地理志五泉縣後周併入澄城

附賜邑

舊志唐魏徵字元成魏州曲城人少孤有大志隱太子引爲洗馬徵見秦王功高陰勸太子早爲計太子敗王責曰爾間吾兄弟奈何答曰太子早從徵言無今日禍王器其直無恨意卽位拜諫議大夫或引至卧內訪天下事徵亦自以爲不世遇凡二百餘奏無不剴切當帝心三年豫朝政七年進封鄭公及薨帝臨哭爲之慟罷朝五日贈司空諡曰文貞其賜莊在唐上輔馮翊郡之北徵子孫世居焉

所居之村曰修善鎮曰良輔驛曰賢相命名之意皆以公
故也公之家世蒙給復下逮五季宋初亦然韓魏王琦西
帥時奏於官大觀政和間賜其十五世孫魏道嚴銀六百
兩絹五十端至金定國軍節度使傅 又申諸朝贈其十
七世孫魏世祥嗣守其先塋